



**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 34. Quomodo distinguatur Ordo Terriariorum à Confraternitate? & an Professio Tertiariorum sit Votum obligans sub peccato?

[urn:nbn:de:hbz:466:1-64103](#)

Quare p̄t̄ens liber, instructio, & doctrina de Tertiariis principaliter dirigitur ad eas tantum personas; quae sub obedientia, vel directione Ministri Generalis totius Ordinis degunt, nec palmites sunt alterius Vineae etiam Franciscanæ, sub cura & vigilancia alterius Custodis, vel agricultorū collocatae per S. Sedem, sive ulla, cum nostra Religione (quoad gubernium) unitate, vel communione; suos enim quisque scieret diriger alumnos; nec honestum sat's videbitur, velle falcem mittere in messem alienam; quando omnes intactos in suis juribus, titulis, & prærogativis intendimus venerari, & ab omnibus honoratos gaudebimus circumspicere.

Divisio autem hujus tertii Ordinis de Pœnitentia in tres Status, sub unâ eadēque appellatione, & diversis Statutis (prout exigit diversa Statuum conditio, videri potest in Breve: Clem. 7. Ad uberes. Pauli 3. Ad fructus. dato 5. Non. Jul. 1547. In quo ultimo extensè continentur, tam Statuta Fratrum & Monialium tertii Ordinis, Vota Religionis emittentium) ex quibus duo primi Status constellantur; (quam etiam Tertiiorum utriusque sexus talia vota non emittentium, & in propriis ædibus commorantium. Bull. Leonis X. Inter cetera 13. Bullar. To. I. Nos juxta Domini voluntatem pretiosum à vili separantes. De quibus plura dicentur C. sequent.

C A P U T XI.

Quomodo distinguitur Ordo Tertiiorum à Confraternitate Chordæ, & aliis Confraternitatibus?

Et

An Promissio, & Professio Tertiiorum sit votum obligans sub peccato, distinctum à Proposito?

XXXIV. R Esp. cum Officiali Curiæ C. 14. quo ad Confraternitatem
Vineæ Seraphica.

Chordigerorum distingui à tertio Ordine de Pœnitentia. Nendum: quia hic ab ipso B. P. FRANCISCO anno 1221. originem habuit; ille vero ab ejusdem Seraphici Patris Filio Sixto V. ut patet ex dicta constitutione: Ex superna. Sed etiam, quia Chordigeri fune duntaxat à Superioribus benedicto cinguntur, & quibusdam solis Statutis ab Ordinario approbatis; non autem Regulâ, à summa Sede approbatâ reguntur. Cum ex opposito Tertiarii hujusmodi Regulâ gubernentur, & præter Chordam (quam iis expressè concedunt Statuta C. 3. a Paulo III. Constit. Ad fructus. 5. Non. Jul. 1547. Director. 3. Ord. pa. 28. n. 16. & ab Innocentio XI. confirmata 28. Jun. 1686. Utuntur etiam Habitū distincto, vel saltem amplio Scapulari juxta locorum consuetudinem, ad quem solummodo debent recipi per habentem potestatem à Ministro Generali, ut ait Paulus III. in Constit. ad fructus C. 2. Imò Tertiarii emittunt votum, faciuntque professionem voentes Regulam ab Ecclesia Catholica approbatam in manus Prælati, in facie Ecclesiæ; servant Annum Novitiatū; quo completo admittuntur ad approbatum istum verum à summis Pontificibus tertium Ordinem, ab omnibus, & singulis Confraternitatibus distinctum.

Forma Professionis Tertiiorum.

Ego Frater (Soror) promitto Deo omnipotenti B. Mariae semper Virgini, & B. P. Francisco, omnibus Sanctis, & tibi Pater; observare toto tempore vitam mea Regulam Fratrum (Sororum) de lenitentia, institutam à S. P. Francisco, & per Papam Nicolaum IV. confirmatam; & promitto me servaturum omnia divina Precepta, ac etiam satisfacturum [ut convenit] de transgressionibus, quas contra hunc vivendi modum

F

com-

committam; cùm, & quoties à meo Visitato-
re interpellatus (interpellata) fvero.

Quæ forma Professionis est ad norman dispositionis C. 2. ejusdem Regulæ à Nicolo IV. approbatæ ad constit. *Sup. montem.* Cùm autem idem Nicolaus IV. in C. 20. Regulæ dicat: *Caterum in præmissis omnibus (ad qua Fratres vestri Ordinis ex divinis Preceptis, vel Statutis Ecclesie tenentur) nullum ipsorum ad mortalem culpam volumus obligari; sed impositam sibi Pœnitentiam pro transgressionis excessu promptè humilitate excepit, & efficaciter exequatur,*

Hinc oritur difficultas: an illud votum observandi Dei Mandata sit verum votum, per quod inducatur nova obligatio ad observandæ Præcepta divina; adeo: ut (si Professus hanc Regulam aliquod Præceptum transgrediatur) committat duplex peccatum; alterum causâ Præcepti transgressi; alterum ratione voti violati, & de hac circumstantia teneatur se accusare in confessione? Ratio difficultatis est, quod omne verum votum obligacionem inducat in conscientia, alias esset quædam voti fictio, & stulta promissio. De quo *Vid. Sanch. in Decal. L. 4. C. 1. n. 24.* ideoque ad hanc difficultatem respondent Port. V. Tertiær. n. 5. *Peyrin. To. 1. de Privil. in constit. 18. Jul. p. 2. §. 2. n. 2 Lezan.* *To. 1. p. 2. C. 14. n. 12. Donatus Praxi Regul. To. 2. pa. 2. t. 16. q. 8. quo ad tenorem. c. 20. Regula à Nicol. 4. in dicta Constit. confirmata P. Gaud. Kerckhoven in Star. gen. 6. 7. f. 25. n. 3. Official. Curia C. 52. Quoad Tertiarios. Tamb. in Decal. l. 3. c. 11. & Gob. To. 3. Oper. Moral. p. 1. Casu 1. n. 7. quod hi Tertiarii) licet utantur verbo (*vovo*, vel *promitto*) vi illorum verborum tamen, tum ex intentione Papæ, tum ex parte Prælatorum Ordinis, ad Professionem acceptantium, tum ex parte profitentium, nullam novam obligationem contrahant, quoad culpam; nec es-*

se propriè votum, sed tantum analogicè. Quare tò *vovo*, vel *promitto*, idem valet, ac propono. Vel si aliquo modo sit promissio; tantum est promissio quædam generalis, & communis, similis illi, quam in Baptismo omnes faciunt, abrenunciandi Diabolo, & pompis ejus, seu non pecandi, quod non inducit specialem obligationem. Sicque (ait Portel) responsum fuit Conimbricæ 1608. per sex Doctores. Sicque intelligit Portel cum Officiali Curiae, non tantum de obligatione ad mortale, sed nec ad veniale peccatum. Nam licet *Nicolaus IV.* declareret: nihil in illa Regula obligare ad culpam mortalem, taceat autem de culpa veniali; communiter tamen id ita receptum est, ut Regula tertii Ordinis nequidem ad culpam veniale obliget. Prout Pontifices varii id declararunt apud *Lezan.* *sup. & Offic. Curie in 13. Constit. Leonis X. Inter cetera Bull. To 1.* Omnia & singula in præsenti Regula sunt Consilia ad salvandas facilius Animas Viatorum, & nulla sunt obligatoria ad peccatum mortale vel veniale, nisi quis humano vel divino Jure foret obligatus. Obligantur tamen Fratres & Sorores de Pœn. facere pœnitentias sibi à Superioribus impositas, quando desperarunt.

Quare similiter *Expos. Reg. 3. Ord. C. 2. q. 4.* Illam Tertiiorum Professionem continere verum votum, adeoque obligationem aliquam in Conscientia causare, & substantialiter distingui à Proposito. Notum enim est ex Theologia: posse voventem etiam materiam gravem se ad solam veniale culpam, posse etiam se ad solam pœnam obligare. In priori casu erit verum & absolutum votum; at in posteriori conditionatum; tuncque propriè & directè vovetur pœna sub conditione delicti futuri.

Dum ergo nostri Tertiarii vovent servare
Man-

Mandata Dei , & satisfacere pro transgressione Regulæ (prout convenit) idque eo modo , quo Regula obligat , dici potest ; quod transgrediendo Mandata Dei (præter culpam omnibus eadem transgredientibus communem) insuper contrahant vel culpam venialem istius voti , vel saltem , quod sub peccato veniali teneantur implere pœnitentiam sibi pro transgressione Regulæ à legitimo Superiore impositam . Sicque (quomodo cumque sumatur) votum Tertiiorum erit verum votum , scilicet absolutum , vel conditionatum . Nec vota similia nova sunt in Ecclesia Dei . Nam Dominicanoi vovent vivere juxta Constitutiones sui Ordinis , & tamen (ut ait S. Tho. 2.2.q. 186. A. 9. ad prim.) hæc constitutiones ex genere suo non obligant ad culpam nec mortalem , nec venialem , sed solum ad pœnam taxataim sustinendam , utique quia non fuit mens Pontificis eas confirmantis , illos aliter obligare . Ex quibus patet , quam suave sit jugum hujus Regulæ , quam profiteri aliquando timent anxie conscientiæ , ne novas obligationes incurvant , sed tales piarum mentium more culpam timent , ubi nullum est culpæ periculum . Tertii enim Ordinis præcipuum Institutum hoc est , ut Fratres & Sorores finito anno Probationis confiteantur , servare Regulam his comprehensam , quod nimirum catholicè & sanctè vitam instituere satagant , Dei Præcepta , certaque quædam jejunia , & abstinentias obseruent , Horas Canonicas , vel certum numerum Orationum Dominicantium recient , viliorique Habitum (prout tamen Superioribus visum fuerit) utantur . Ita verò hæc præscribuntur ; ut amantem invitent , transgressorem autem duplicitis peccati reum non constituant , nec quæcumque aliorum istius Regulæ Præceptorum prævaricatio culpam inducat ; sed tota Regula tantum ad pœnam à Superiore , Visitatore , aut

Confessario impositam , humiliter , perse loquendo , implete tenebuntur . Prout generaliter circa ejusmodi Regulas , & Statuta ad pœnam obligantia tradit . Cajet . 2. 2. q. 189. A. 9. in Com . D. 3. Rhoderiq. noster To. 1. q. Reg. q. 10. A. 6. & alii plures ; qui etiam per se loquendo sustinent probabile , quod nequidem sub veniali teneantur similes pœnas implere .

C A P U T XII.

De Exemptionibus Tertiiorum ,
Privilegio Canonis & Fori , Sepulturâ
eorundem , & administratione
Sacramentorum .

X X X V . **P**RÆTER Tertiarios claustrales , ve-
ros Religiosos , & Religiosas , essen-
tialia vota in Religione approbatâ emittentes :
*Leo X. Conſtit. Dum intrâ 22. edita in Concil.
Lateran.* meminit , & plura disponit circa alios
Tertiarios , & Tertiarias vota solemnia non
emittentes ; pro ut sequitur .

Fratres & Scrores Tertiis Ordinis in priis ædibus habitantes , Sepulturam (ubi voluerint) eligere valeant ; sed die Palchatis tantum Eucharistiam ; nec non Extremam Unctionem , cæteraque Ecclesiastica Sacra-
menta (Sacramento Pœnitentiæ duntaxat ex-
cepto) à proprio Sacerdote recipere , & onera ,
qua Laicis incumbunt , perferre eneantur , ac
in foro sæculari coram judicibus sæcularibus
conveniri possint . Collegialiter autem viven-
tes , seu cum Claustralibus habitantes , ac
mulieres virginalem , seu cælibem , aut ca-
stam vidualem , expresso voto , & sub di-
cto Habitum vitam ducentes privilegiis (qui-
bus Fratres Ordinis Habitum tertiae Regulæ
gestantes gaudent) etiam gaudere debe-
ant .

F. 2

Qui-